



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. I. Conclusio negativa statuitur

[urn:nbn:de:hbz:466:1-77355](#)

qui ius civile, quoad necessitatem promulgatio-
nis, non contrariatur juri Canonico, nullibi
enim in jure Canonico praedita Authenticā Ju-
stinianī excluditur: Ergo illa vim habet non so-
lū quoad leges imperiales, sed etiam quoad
Pontificias.

24. Respondeo negando Antecedens, & ad pro-
bationem willius in primis dico, capitibus citatis
solū decerni, ut in iudicij causarum leges civi-
les serventur, ubi defunt Canonizæ, nullam verò
ibi de legum promulgatione fieri mentionem.

Secundò respondeo, prædictam Justiniani Au-
thenticam, quantum ad hoc, non esse receptam,
cū ex praxi Ecclesiæ Romanae oppositam ha-
beatur, ut ex supra dictis constat.

25. Ad pleniorē dictorum intelligentiam, & ali-
quorum quæ in contrarium fieri solent argumen-
torum solutionem, notandum est prīmo, posse
leges esse sufficienter promulgatas, & consequen-
ter aequaliter obligare omnes, & tamen multos
excusari ab eorum observatione, eo quod invin-
cibiliter ignorent promulgationem eorum; quia
videlicet non stat per illos quominus leges &
eorum promulgationem cognoscant; ignorantia
autem invincibilis excusat à peccato, ut in differ-
entiatione de probabilitate fūs ostendimus. Possunt
tamen leges circa ignorantes habere aliquos ef-
fectus irritandi, vel statuendi aliquid per modum
decreti, ut lex de spuriis & bigamorū irregu-
laritate, de gradibus consanguinitatis, & aliis
impedimentis matrimonij.

26. Observandum est secundò, cū ad valorem
legi humanae, vel decreti, necessarium sit, ut
non sit in perniciem animarum, neque in detri-
mentum majori boni simpliciter & communiter
concessi, oportere ut decreta & statuta illa pro-
ponantur cum majori promulgatione, quæ si ha-
berent effectum circa ignorantes, essent in anima-
rum perniciem, aut contra bonum commune,
aut contra reverentiam rerum divinarum. Tales
sunt leges, quibus irritantur contractus, revo-
cantur concessiones & privilegia, refervantur ca-
sus, & similes. Nam si leges illa, etiam per mo-
dum decreti, haberent effectum, antequam veni-
rent in notitiam hominum, gravissima incom-
moda, vel temporalia, vel spiritualia sequerentur:
nam contra eū in damnum multorum essent irri-
ti, matrimonia invalida consummarentur, absor-
ptiones multæ essent nullæ, aut indirectæ tan-
tum circa ejusmodi casus reservatos, cum obli-
gatione illos iterum subjiciendi sacramento peni-
tentia. Unde hujusmodi leges, etiam per modum
decreti, non possunt esse validæ, nisi per debitam
insinuationem. Ideoque Tridentinum scilicet 24. in
decreto de reformatione matrimonij cap. i. con-
stituit ut decretum de matrimonio clandestinis,
post triginta dies tantum à prima publicatione in
unaquaque parochia robur haberet. Multæ
etiam Constitutiones Apostolicæ, ob eandem
causam, limitantur ad eos qui scienter contra illas
egerint.

27. Idem dicendum de revocatione cuiuscunq[ue]
privilegiij, eam scilicet non valere, donec inno-
tescat privilegiato eo utenti; unde eo uti poteat
quoque ei hujusmodi revocatio intimetur. Cu-
jus ratio est, quia juxta communem regulam, *odii
restringi, favores convenienti ampliari*, unde Prin-
cipes nimis rigidos judicare non decet: At nimis
rigidum esset, spoliare privilegiatum suo privile-
gio, ante notitiam revocationis illius, sufficitq[ue]
prorigore privare eum post notitiam revocatio-

A nis, ut patet: Ergo existimandum est, Principea
velle privare privilegiatum suo privilegio, donec
illi sui privilegiij revocatio innotescat.

Confirmatur: Dum privilegium non innotescat
privilegiato, illi non prodefit, ut Panormitanus,
Felinus, & alij Canonistæ passim docent: Ergo
similiter revocatio privilegiij illi non obeft, donec
venerit in ejus notitiam, alias magis extendere
tutus rigor juris, quām ejus favor, contra prædi-
ctam regulam.

ARTICVLVS III.

B An ut lex humana obliget, requiratur
consensus sive acceptatio populi?

Q Væstio est de lege justa, & legitimè promul-
gata, & lata à Legislator, qui vel à Deo,
vel aliunde, habet absolutam potestatem condeni-
di leges; si enim Legislator accepit potestatem
condendi leges, cum dependentia à populi ac-
ceptatione; putat si populus ita eam alicui contulit,
ut liberat sibi facultatem reservaverit acceptandi
vel reprobandi leges ab ipso propositas, certum
& indubitatum est, requiri populi consensum &
acceptationem, ut tales leges vim habeant obli-
gandi. Hoc præmissò, pro resolutione difficulta-
tis proprieitate, sit

§. I.

Conclusio negativa statuitur.

D Ico breviter, ad hoc ut lex humana obliget,
non requiri consensum sive acceptationem
populi, sed eam, si justa sit, & legitimè promul-
gata, obligare subditos, etiam dissidentes &
repugnantes. Hanc tenet communiter Doctores,
licet Major, Navarrus, Armilla, & Covarruvias,
quos ex Recentioribus sequuntur Valentia, Azo-
rius, & Beccatus, illi dissident.

E Probatur primò quoad leges civiles ex Authen-
tica, *Vi nova Constitutiones*, ubi post publicatio-
nem legis, & lapsum temporis designati, præcisè
exigitur observantia legis, neque ulla de accepta-
tione fit mentio. Par autem & major est ratio, ut
leges Pontificiae & Ecclesiastice obligent post
sufficiētē denuntiationem, non expectarā Ec-
clesiæ seu fideliū acceptationē. Cū enim Sum-
mus Pontifex suam potestatem immediatè recipiat
a Christo, & Christus illam dederit Petro,
ejusque successoribus, independenter a Ecclesia,
si quidem illi non Ecclesiæ dixit: *Tibi dabo claves.
Pascœ oves meas.* Quodcumque ligaveris &c. non
potest in usu illius pendere ab Ecclesiæ consensu,

cū neque in collatione illius talis conditio ex-
primatur, neque ad rectam gubernationem expediens
fuerit cum ea conditione conferri; sep-
tem enim frustraretur, dissidenti populo, redderet
ur inefficax remedium capitū, dissidentibus
membris, minueretur subordinatio membrorum
erga caput, daretur occasio relaxanda disciplina,
& demum tolleretur regimētum monarchicum,
quod Christus induxit in Ecclesiam. Unde certum
omnino videtur, posse Summum Pontificem ob-
ligare Ecclesiam suis legibus, independenter à
consensu & acceptatione illius. Imo Suarez lib. 4.
de legibus cap. 16 ait id tutâ fide negari non posse.

Probatur secundò: Præceptum particulare all-

30. cuius particularis obligat subditum in conscientia , non expectato consensu subditi , & ejus acceptatione : Ergo etiam lex obligat totam communitatem , non expectato consensu sive acceptatione populi . Antecedens est certum , & conceditur ab omnibus . Consequens verò probatur , quia lex non habet minorem vim obligandi totam communitatem , quām praeceptum particulares particulares personas ; nam sicut praeceptum est mandatum particulare illius qui superior est , particuli personæ ; ita lex est praeceptum commune illius qui superior est , toti communitatii .

31. Confirmatur : Obligatio legis oritur ex subjectione quā subditi prælati sublunt , & obedientia quam illis præstare tenentur : Sed obedientia vis non oritur à subditi acceptatione , sed ab excellentia autoritatis quam superiores habent in subditos ; nam sicut in naturalibus oportuit ut per quandam necessitatem moverentur inferiora à suis superioribus ad suas actiones naturales , putat corpora subluntur à celestibus per excellentiam naturalis virtutis divinitus illis communicata ; ita in rebus humanis oportet quod inferiores per voluntatem moveantur à suis superioribus , secundum quandam necessitatem moralem , in qua consistit obligatio legis , ut docet D. Thomas 2. 2. quest. 104. art. 5. his verbis : Obedientia movetur ad imperium precipientis , quadam necessitate justitia , sicut res naturalis movetur ex virtute sui motoris , necessitate natura : Ergo obligatio legis non pendet à consenu seu acceptatione populi .

32. Confirmatur amplius : Valde inefficax & penè inutilis esset potestas Legislatoris , si non posset cogere subditos ad acceptandam & observandam legem justam & utilē . Imo nisi lex cogereret subditos , & obligationem induceret , absque dependentia ab eorum approbatione & acceptatione , subditique possent dissentire , esset bellum utrinque justum ; nam & Prælatus justè exigeret obedientiam & observationem legis , & subditus justè resistaret . cūm acceptatio legis ejus arbitrio commissa esset : Sed hæc videntur absurdā & inconvenientia : Ergo &c.

33. Advertendum est tamen , quod si populus aut major & senior pars illius , non acceptet legem promulgatam , Princeps prudenter ager , regulatius loquendo , si legem abroget , vel saltem suspendat , ad evitando tumultus & rebelliones , aliaque gravia inconvenientia , nam ut Proverb. 3. dicitur : Qui nimis emungit , elicit sanguinem . Dixi , regulariter loquendo , nam si ex abrogatione aut suspensione legis , graviora sequantur inconvenientia , prudenter agit , si non abroget vel suspendat eam : v. g. si ex abrogatione vel suspensione legis , maximè enervaretur authoritas Principis apud subditos , ita ut congrue illos gubernare non posset ; vel si res præcepta esset majoris momenti quām carentia predicatorum inconveniens , prudenter ager Princeps non abrogans , aut non suspensio talentum legem .

34. Notandum est etiam , quod quando Princeps , videns aut sciens subditos legem suam non servare , non punit aut reprehendit eos , cūm possit , tacitè legis obligationem auferre videret . Ad quod nonnulli dicunt sufficere duos aut tres actus factos contra legem , scientie Principe , & non puniente , cūm possit . Sunt etiam qui assertunt , non esse necessarium hos actus fieri in praesentia Principis , aut eo sciente , sed satis esse fieri scientibus ejus ministris , in curiis supremis , aut Episcopis , si lex fuerit Pontificia .

Tom. III.

A Tertiò observandum est , quod quando major pars populi non acceptat nec observat legem , minor pars quæ remanet , potest licet majori se conformare , non acceptando , nec observando eam ; ita ut quamvis primi qui non acceptaverunt legem justam , peccaverint non acceptando & non servando illam , & similiter illi qui eos primò fecuti sunt ; postquam tamen res peruenit ad eum statum , quod major pars populi non acceptet nec observet legem , tunc minor pars excusat nec acceptans nec observans ; quia tunc Princeps censetur , moraliter loquendo , non velle obligare minorem partem populi , cūm illa minor pars habeat sufficientem causam excusationis , videns majorem partem non acceptare legem ; ac proinde tunc Princeps , vel virtualiter abrogat legem pro illa minori parte , vel saltem virtualiter dispensat cum illa .

35:

§. II.

Solvuntur objectiones.

O Bjicies primò : Cap. In iustis dist. 4. refertur quedam sententia Augustini lib. 1. de vera religione cap. 31. sic dicentis : *Leges statuuntur , cùm promulgantur ; firmantur , cùm moribus utentium approbaruntur* . Ergo quantumcumque leges instituantur & promulgantur , nondum habent firmitatem & robur obligandi , donec à populo acceptentur . Unde in lege , *De quibus* , nondum ff. de legibus , sic dicitur : *Ipsæ leges non alia de causa nos tenent , quām quod iudicio populi recepta sunt* . Et Aristoteles lib. 2. politic. cap. 6. in fine dicit , legem nullam vim habere ut sibi pareatur , nisi ex more , id est ex consuetudine & acceptatione populi .

36:

Ad testimonium Augustini respondeo primò , illa verba non inveniri in Augustino , sed fuisse à Gratiana addita .

Respondeo secundò , quod authoritas illa magis nobis favet quām noceat , nam si leges instituantur quando promulgantur , sicut promulgantur indepenđter ab acceptatione populi , sic instituantur & obligant in actu secundo , indepenđter à tali acceptatione , cūm hujusmodi obligatio in actu secundo , per modum proprietatis à lege promulgata oriatur . Cūm autem dicitur in eadem authoritate , quod leges moribus utentium firmantur , non significatur , quod ab illis habeant vim obligandi , vel dependenter ab eis , sed sensus est , quod cūm prius habuerint eam indepenđter ab illis , roboratur hæc vis moribus utentium , & confirmatur per usum , quatenus per eum removentur à periculo abrogationis alioquin futura , Princeps cedente nimis resistentia , vel contraria consuetudine præscribente . Unde ibidem subditur : *Sicut enim moribus utentium in contrarium nonnulla leges hodie abrogata sunt , ita moribus utentium ipsæ leges confirmantur* .

37:

Ad secundum desumptum ex lege *De quibus* , respondeo id solum esse verum de legibus non datis à Legislatore supremo & independente , sed dependente à consensu populi , legum approbationem sibi reservantis .

38:

Ad locum verò Aristotelis dico , solum velle illis verbis legem non habere vim obligandi , si per contrarium consuetudinem fuerit abrogata . Vel , ut alii interpretantur , Aristotelem ibi loqui non de vi obligativa legis , quam supponitur habere ex Legislatoris voluntate , sed de assuetatione &

39:

Y y ij